

# HIBRU

## Zu mbal tuku waŋe

Gabat ande nu Zu mbal afu Yesus tuku son ŋginaig ta nane tuku waŋe kuyarna te tugunu teŋenmba.

Zu mbal afu Yesus tuku kume tuku saŋgri tomba tiŋginaig sulumba naŋgine tukul maŋau ambokok kusrekinaig. Kusrekinaig ta naŋgine mbal afuŋge piti serniŋginaig le nane maŋ tukul kame ta dubikinaig. Taŋanaig le Yesus dubiwanu gabat andeŋge waŋe te nane tuku wamdus te-tiwam tuku kuyarna.

Yesus nu ambokok maŋau ŋakmba kumumba maŋau kitek te-mayokna. Nu kumna sulumba nuŋe ndarembi sine muskil nduiye kile-tidiŋga siŋgine pris gabat suŋgo minit. Ta tuku nane maŋau ambokok saŋgri kugatok ta nduiye kusreka Yesus ndo dubiwaig ŋga nu waŋe te kuyarna.

---

### Kuate tuku Kiŋo nu eŋel kame liniŋmba o mbolŋge minit

**1** <sup>1</sup>O buk Kuate nu maŋau kise kisembi nuŋe pasa tugusek tuan taŋgo tuku miŋge mbolŋge kile-mayokka minanu le sine tuku wa mbuŋ kame nane isanu. <sup>2</sup>Ismba minnaig le ma ma kugawam tuku ait te mbolŋge nu nuŋe Kiŋo nuŋe mbolŋge nuŋe pasa te-mayokmba sasiniŋgina. Agaŋ ndende ŋakmba nu wai mbolŋge patikam tuku nu Kiŋo nuŋe pilna. Tugu mbolŋge Kuate nu sakina le Kiŋo nuŋeŋge kilke te te-mayokna. <sup>3</sup>Kuate tuku kilŋa nu minit tuku maŋau ŋakmba nuŋe Kiŋo nuŋe mbolŋge minig le kaŋgerkeg. Nale ndindo minik. Kiŋo nuŋeŋge pasa saŋgrinu sakate le agaŋ ndende ŋakmba naŋgine ma mbolŋge minmba kumumbi piroka minmba minig. Nuŋe Kiŋo taŋge taŋgo tuku une sauke suluna sulumba Kuate Suŋgo Ndindo nu tuku ndinam kumamŋge samba mbolŋge minyokina. <sup>4</sup>Taŋana le Kuate nuŋe Kiŋo nyu suŋgo te-mayokna le nu tuku nyu taŋge eŋel tuku nyu liniŋgina. Ta tuku nu nuŋe miroŋ mata eŋel kame ŋakmba liniŋgina. <sup>5</sup>Kuate nu nuŋe Kiŋo ta teŋenmba sana.

Ne ye tuku Kiŋo. Kite ye ne tuku Mam mayok kinet ŋgina. *Mune 2.7*  
Kuate nu eŋel ande taŋamba sa ndana. Nu maŋ nuŋe Kiŋo sana:

- Ye ne tuku Mam mayok kanġit.  
 Ne ye tuku Kiġo minamġat nġa sana. *2 Samuel 7.14*  
 Nu eġel ande taġamba sa ndana.
- <sup>6</sup>Kuate nuġe Kiġo mulum kilke te mbolġe te-mayokam bafuna sulumba nu nuġe Kiġo nuġe tuku teġenmba sakina.  
 Yiġe eġel kame, tane nu tuku nyu te-duġa nu mbariġap nġina. *Lo 32.43*
- <sup>7</sup>Kuate nu nuġe eġel kame tuku teġenmba sakina.  
 Yiġe eġel kame nane bubre taġaġ kile-mayokket.  
 Yiġe kukul mbal pa mane taġaġ kile-mayokket nġina. *Mune 104.44*
- <sup>8</sup>Nu nuġe Kiġo tuku pasa teġenmba sakina.  
 Ne Kuate. Ne nyu suġo ġak naġe mbal kulatka minmba minamġat. Kugawe nda.  
 Ne kumumbi naġe gageu kulatkate.
- <sup>9</sup>Ne maġau tiġreknu ndo nzalinu ne maġau ġaigonu ġakmba mbulmba pitaikate.  
 Ta tuku ye ne tuku Mbara naġe mbal ġgamukġe ne suġgomba make pilmba nyu suġo tinmba gare tinen nġina. *Mune 45.6*
- <sup>10</sup>Kuate nu nuġe Kiġo tuku maġ teġenmba sakina.  
 Suġo, ne tugu mbolġe kilke te-mayokna.  
 Ne naġe wai kuyarmi samba pilna.
- <sup>11</sup>Kilke samba ġgisikamġaik ta ne taġawe nda.  
 Ne minmba minamġat.  
 Kilke samba tawi taġaġ urfu patika ġaigoġgamġaik.
- <sup>12</sup>Taġawaik le taġo nu tawi tumba filfilte taġamba ne samba kilke filfilmba kile-sikamġat.  
 Nane tawi abonu kilmba tiġig taġaġ ne samba kilke urfunu kile-sika maġ abonu kile-mayokkamġat.  
 Neġe ndo mbilka kisemba mayok kine nda.  
 Ne tuku yar mata kugawe nda. Ne minmba minamġat nġina. *Mune 102.25*
- <sup>13</sup>Kuate nu maġ lato nuġe Kiġo sana:  
 Ne ye tuku ndinam kumam teġe saġri ġak minyok mina le ma ma yeġe ne tuku ġgueu mbal ġakmba kile-ibenġa ne tuku kupe kumnemġe patikamġit nġina. *Mune 110.1*
- Nu eġel ande pasa ta sa ndana. <sup>14</sup>Eġel kame nane Kuate tuku pasa dubide tuku guwa ndo. Sine afu Kuatenġe muskil kile-tidiġam tuku mineġ mbal nu nane kukulniġit le pro sine tursiġig.

### Kuate nu ndin mayenu te-mayokna

**2** <sup>1</sup>Kuate tuku Kiġo nu o mbolġe minit tukunu sine nu tuku pasa mayenu iseġ ta ake wamwamka li ndaka kurauka likube. Sine

taŋa ndabe ta sine waŋ taŋaŋ kundu mayenu limba fare fare kumba ka ŋgisikamŋgig.

<sup>2</sup>O buk Kuate nu eŋel kukulniŋgina le nane Moses tukul tunaig ta son saŋgri ŋak. Siŋgine mbuŋ kame pasa ta lukanaig ta lafunu kumumbi tinaig. <sup>3</sup>Sine siŋgine muskil kile-tidiŋgam tuku pasa mayenu Suŋgoŋge te-mayokmba sakina le nane isnaig mbalŋge sine kubeu siŋginaig. Kile sine pasa mayenu te ake wamwamka likeg ta sine taŋamba ndo lafunu tamŋgig. <sup>4</sup>Kuate nu nuŋe pasa ta saŋgri pilemba wam yimyammbi nuŋe saŋgri kile-mayokka wam kitek ke likina. Nu nuŋe nzali dubimba Tukul Guwa tuku saŋgri yimyam niŋge likina.

<sup>5</sup>Kilke kitek prowam tuku sakig ta kilke ta kulatkam tuku Kuate nu nuŋe eŋel madi ndaniŋgina. <sup>6</sup>Kuate tuku pasa mbolŋge ande nu teŋenmba kuyarna.

O Kuate, taŋgo nu ima le ne mara mara nu idus timba minit. Nu ima le ne nu turam tuku kulatkate.

<sup>7</sup>Ne ait fagnu nu tumba eŋel kame kumnemŋge pilna.

Taŋana sulumba ne maŋ nu tumba te-mayokmba nyu suŋgo tuna.

<sup>8</sup>Ne agaŋ ndende ŋakmba kilmba nu kumnemŋge patikina. *Mune 8.4-6* Taŋamba Kuate nu agaŋ ndende ŋakmba kilmba taŋgo kumnemŋge patikina. Agaŋ ande taŋgoŋge kulat ndakanu taŋaŋ mine ndakate.

Son. Kile ait te mbolŋge agaŋ ndende ŋakmba taŋgo kumnemŋge minig le sine kaŋger ndakeg. <sup>9</sup>Kaŋger ndakeg ta Yesus kaŋgermba nu mbolŋge kila pileg. Kuate nu taŋgo ake sinaŋ make patika Yesus nu ŋakmba tuku kumwa ŋga nu tumba ait fagnu eŋel kame kumnemŋge pilna. Pilna le nu ŋakmba tuku kumna sulumba nyu suŋgo pasa ŋak mayok kina.

<sup>10</sup>Kuate nu agaŋ ndende ŋakmba kile-mayokkina. Ŋakmba nu tuku nzali ndo dubiwam tuku minig. Nu taŋgo gudommba nuŋe kiŋo kame mayok ka nuŋe kilŋa tugumŋge minam tuku idusna sulumba nu kumumbi nane tuku muskil kile-tidiŋgam tuku taŋgo rar suŋgo tuna. Yesus nu rar ta mbolŋge nu sine tuku gabat mayok ka sine tuku muskil kile-tidiŋge siŋgit.

<sup>11</sup>Taŋgo nane Kuate tuku mbal mayok kambim tuku ande nu atrau piro biyit ta nane nu ndoŋ tugu ndindo. Ŋakmba Kuate tuku minig. Ta tuku siŋgine Suŋgo nu sine yabu ndaka yiŋe maib kame ŋga <sup>12</sup>sine ndoŋ minam tuku Mam nuŋe teŋenmba sana.

Mam Kuate, ye ne tuku nyu suŋgo ta yiŋe maib kame ndoŋ te-mayokmba saka minamŋgit.

Ye naje mbal ŋgamukŋge munembi ne tuku nyu te-duŋgamŋgit ŋgina. *Mune 22.2*

<sup>13</sup>Nu maŋ kuyar ande mbolŋge teŋenmba sakina.

Kuate, ye ne tuku saŋgri tomba tiŋget ŋgina. *Aisaia 8.17*

Pasa ande mata teŋenmba.

Ye yiŋe maib kame Kuatenge ye sina ta ndoŋ minet ŋgina. *Aisaia 8.18*  
 14Kuate nu Yesus tuna mbal nane ŋgarosu ŋak. Ta tuku Kristus nu sine  
 taŋaŋ ŋgarosu ŋak mayok kina. Taŋamba nu maŋau ta dubimba nu  
 kumna. Nu kumna ta tiŋga kume tuku saŋgri Satan te-ibeŋna sulumba  
 15sine kumam tuku kuru-kuruka mineg ta sine tuku muskil kile-tidiŋga  
 kuru kuru wam ta tukulna.

16Nu eŋel kame turkam tuku nde ndakina ta kilimok. Nu sine Abraham  
 tuku tugu ŋakmba tursiŋgam tuku ndekina. 17Ta tuku nu nuŋe maib  
 kame minig taŋaŋ mayok kina. Wam ta mbolŋge ndo nu sine tuku pris  
 suŋgo mayok kambim kumuŋ. Nu kumna sulumba nu Kuate tugumuŋge  
 sine mapeka sine tuku atrau piro kumumbi biyit le Kuate nu sine tuku  
 une sauka gilaiŋgate. 18Nu sine taŋgo taŋaŋ mayok kina le Satan nu  
 tagomba minna ta nu piti ta kamusna tukunu kile nu sine tago mbolŋge  
 mineg ta nu sine tursiŋgam kumuŋ.

### Yesus nu Moses lite

**3** 1Tira kame, Kuatenge sine ŋakmba wikina le sine nu tuku kuasmbi  
 ndindo mineg. Nu Yesus kukulna le nu sine tuku pris suŋgo minit.  
 Ta tuku siŋgine wamdus ŋakmba Yesus ndo idus tibe.

2O buk Moses nu Kuate tuku mbal ŋgamukŋge piro ke mayemba  
 minna. Taŋamba ndo Yesus nu Kuatenge piro tuna ta nu piro ke mayena.  
 3Nale arŋeŋ piro mayenaik ta Yesus nu Moses lite. Taŋgo ande wande  
 pilit ta sine wande tuku nyu te-du ndaŋgeg. Sine taŋgo tuku nyu te-  
 duŋgeg. 4Wande ŋakmba taŋgoŋge patikade ta Kuate nu agaŋ ŋakmba  
 tugu. 5Moses nu piro taŋgo ndo Kuate tuku mbal ŋgamukŋge piro  
 mayena. Kuate nu ŋgumneŋga wam kile-mayokkina ta nu wam ta tuku  
 saka minna. 6Kristus nu Kuate tuku Kiŋo minmba Kuate tuku mbal  
 ŋgamukŋge piro mayena. Nu mbal ta tuku tugu. Sine wamdus saŋgrinu  
 pilmba siŋgine Suŋgo tuku pasa alonu tairŋga minbe ta sine Kuate tuku  
 mbal nu tuku wande taŋaŋ mineg.

### Ŋgamuŋgal kilba tukul ndakam tuku pasa

7Sine Tukul Guwa tuku pasa ise mayebe. Nu teŋemba sana.

Kile ait te mbolŋge tane Kuate tuku pasa isig te

8 taŋgine mbuŋ Moses ndoŋ ma baknu mbolŋge minnaig taŋaŋ  
 ŋgamuŋgal tukulmba kilba tukul ndakap.

Nane ye tuku wamdus mukuknu te gubra pile sam tuku tago-tagonaig.

9 Nane yar 40 ye tuku piro saŋgrinu yimyam kaŋgerkumba  
 ta tuku nda idusmba ye tago-tagoyumba minnaig.

10 Ta tuku ye mbal ta tuku gubra tumba nane tuku teŋemba saken.  
 Nane tuku wamdus tugusek kuga. Nane ye tuku maŋau katese  
 ndade ŋgen.

11 Ye nane tuku gubra sungo tumba pasa sangrinumbi tejenmba saken.  
Nane ye ndonj mabte nda ngen. *Mune 95.7-11*

Tukul Guwa nu tanjamba Kuate tuku minje pasa sakina.

12 Tira kame, tane rironj mayewap. Ande tane ngamuknje wamdus tugusek kugatok minmba Kuate abo minmba minit nu talamba pitaiwikat. 13 Ki ait mindek tanjine tanjine mungu sangri pileningap. Tane kile abo njak minig ait mbolnje manjau ta kusre ndawap. Tane tanja ndawap ta une manjau tanje tane didikuwa le tanjine ngamunggal tukulkikat. 14 Ambonga sine Kristus wamdus ndindombi tiger. Sine manjau ta kusre ndamba tanjamba ndo minbe ta sine nu tugumnje gare njak minamngig.

15 Kuate tuku pasa wam ta tuku tejenmba sakate.

Kile ait te mbolnje tane Kuate tuku pasa isig te tanjine mbuj kame tanjaj ngamunggal tukulmba kilba tukul ndawap nga sakate.

*Mune 95.7-11*

16 Tane idusap. Ima kate ngamunggal tukulmba kilba tukulnaig e? Moses nu nane njakmba kilmba Isip kusremba kinaig mbal ta. 17 Ima kate tuku Kuate nu yar 40 mbolnje gubra tina e? Nane wam njaigonu ke lika ma baknu mbolnje kume farnaig mbal ta. 18 Ima kate tuku Kuate nu pasa sangrimbi nane ye ndonj mabte nda ngina e? Nane nu tuku pasa ismba dubi ndanaig mbal ta. 19 Nane Kuate talamba nu kumunj kuga nga idusnaig tukunu nane nu ndonj mabte ndakinaig.

#### Kuate nu tanjo ndonj mabtam tuku iduste

**4** 1 Kuate nu tanjo afu nu ndonj mabtam tuku pasa sangrinu pilna ta kile minit. Kuga ndate. Ta tuku sine kuru-kuruka kurau mayebe. Sine Kuate ndonj mabtam tuku wam lisngikat. 2 Sine singine mbuj kame buk minnaig tanjaj kile mata pasa mayenu iseg. Nane pasa mayenu ismba talakinaig tukunu pasa ta nane tur ndakina. 3-5 Sine nu tuku pasa ismba son ngeg mbal ndo Kuate ndonj mabta mineg. Kuate nu tugu mbolnje aganj ndende njakmba kile-mayokka nuje piro njakmba sugluka mabtina. Kuate tuku pasa mbolnje ande nu mara 7 tuku tejenmba kuyarna.

Kuate nu mara 7 mbolnje nuje piro njakmba sugluka mabtina nga kuyarna. *Mulum Pasa 2.2*

Afu nu ndonj mabtam tuku Kuate nu sakina ta nane nu talamba pitainaig le nu nane tuku tejenmba sakina.

Ye gubra sungo tumba pasa sangrinumbi tejenmba saken; Nane ye ndonj mabte nda nga saken. *Mune 95.11*

6 Pasa tanje sine tejenmba tumsingit. Kuate nu tanjo ndonj mabtam tuku iduste. Nane ambonga Kuate tuku pasa mayenu isnaig mbal ta nane nu talamba nu ndonj mabte ndakinaig. 7 Ta tuku ngumnenja Kuate nu tanjo ndonj mabtam tuku ait ande te-mayokna ta kite ki ait noten. Ye David tuku pasa buk satijngit ta Kuate nu tejenmba sakate.

Kile ki ait te mbolŋge tane Kuate tuku pasa isig te ŋgamuŋgal tukulmba kilba tukul ndawap ŋgate.

*Mune 95.7-8*

### **Kuate ndoŋ mabteg wam kilke mbolok kuga**

<sup>8</sup>Yosua nu Israel mbal kilmba Kanan kilke mbol promba nane Kuate ndoŋ mabte ndakinaig. Nane taŋamba mabtinaig kande Kuate nu ŋgumneŋga maŋ mabtam tuku ait ande sa ndakina kande. <sup>9</sup>Kuate nu nuŋe piro ke suluna sulumba mabtina taŋamba ndo nuŋe mbal nu tugumŋge mabtamŋgaig. <sup>10</sup>Sine Kuate ndoŋ mabteg ta nu nuŋe piro sugluka mabtina taŋamba ndo sine siŋgine piro tuku saŋgri kusremba Kuate tuku saŋgri tomba tiŋga mabteg. <sup>11</sup>Sine taŋamba nu ndoŋ mabtam tuku wamdus saŋgrinu pilmba dirnaŋgube. Ande nu pasa mayenu ismba talakuwa ta nu siŋgine mbuŋ kame taŋaŋ Kuate ndoŋ mabte nda.

<sup>12</sup>Kuate tuku miŋge pasa saŋgri ŋayo abo ŋak minmba minit. Pasa ta kame bagi agonu limba nu agok ŋayo. Nu taŋgo tuku ŋgamuŋgal nduasemba ka sinam nziŋge kilke mbolok maŋau samba mbolok maŋau ŋgamu fetka kilimok kile-mayokkate. Taŋgo tuku wamdus nzali kise kise kam idusde ta nu kiŋgeŋka kila minit. <sup>13</sup>Agan ande Kuate am mbolŋge kuirka minam kumuŋ kuga. Sine tuku wam ŋakmba nu am mbolŋge mayokŋge minig. Ŋgumneŋga nu sine pilesinguwa le sine ta son ŋgamŋgig.

### **Yesus nu sine tuku pris suŋgo**

<sup>14</sup>Siŋgine pris suŋgo nu samba mbol kina sulumba kile Kuate tugumŋge minit. Nu Kuate tuku kiŋo nuŋe Yesus. Ta tuku pasa mayenu iseg te biye debe. <sup>15</sup>Siŋgine pris suŋgo nu kilke te mbolŋge minmba tago ŋakmba nu mbolŋge pronaig ta nu mbar ndana. Tago mbolŋge sine saŋgri kugatok ta nu kila pilna sulumba sine sinasiŋgit. <sup>16</sup>Ta tuku sine kuru kuru kugatok wamdus bulok Kuate tugum kab. Nu ake sinaŋ taŋgo make patika turkam iduste. Sine nu tugum kab ta nu sine mapeka siŋgine piti ait mbolŋge tursiŋgit.

**5** <sup>1</sup>Sine taŋgo ŋgamukŋge taŋgo afu atrau piro biyam tuku mayok kinig ta nane sine ŋakmba tuku Kuate am mbolŋge pirokade. Sine agan afu Kuate tambim tuku niŋgeg le nane Kuate tuku patikade sulumba siŋgine une saukam tuku aganmor bale farmba atraukade. <sup>2</sup>Pris mbal nane taŋgo ndo nane sine taŋaŋ mbar ŋak. Ta tuku nane katese ndade mbal mbarde mbal wamdus bafumbi kulatka piroka minig. <sup>3</sup>Pris mbal mbar ŋak tukunu nane taŋgo tuku une saukam tuku aganmor bale farmba atraukade ta naŋgine une tuku turmba atraukade.

<sup>4</sup>Taŋgo ande nu nuŋe wamdusmbi atrau piro biyam tuku nuŋe nyu te-mayokam kumuŋ kuga. Kuatenge madiniŋgit mbal ndo piro ta biyam kumuŋ. Abo abo nu Aron taŋamba madina. <sup>5</sup>Kristus nu mata nuŋe

wamdusmbi pris sungo mayok kambim tuku nu nuje nyu te-mayok ndana. Kuatenje Kristus nu piro ta kam tuku madina sulumba sana:

Ne ye tuku Kiyo. Kite ye ne tuku Mam mayok kinet ngina. *Mune 2.7*  
 6 Kuate tuku kuyar pasa ande tejenmba sakate.

Ne Melkisedek tajan pris minmba minamngat ngate. *Mune 110.4*  
 7 Yesus nu kilke mbolok tango minmba nuje kume mbolnje Kuatenje nu tuku muskil te-tiwam kumuŋ nga Kuate yabanmba sunngomba malmbika sarsamba minna. Nu wamdus ndindo njak Kuate kumnemnje minna le Kuate nu tuku yaban pasa ta isna.

8 Yesus nu Kuate tuku Kiyo ta nu mata piti sugo kamusna. Piti ta mbolnje Kuate kumnemnje minam tuku wam ta nu kila pile mayena.  
 9-10 Nu Kuate tuku nzali ndo dubimba piti kamusmba minna ma ma nu kumumbi mayok kina. Nu kumumbi mayok kina le Kuate nu nuje Kiyo ta tejenmba sana. Ne Melkisedek tajan pris sungo minmba minamngat ngina. Nu pris sungo mayok ka sine nu tuku pasa dubiweg mbal sine muskil kile-tidinga abo minmba minam tuku siŋgit.

### Sine Kristus tuku wam njakmba kila pilmba sugokube

11 Sine Melkisedek tuku wam afu gudommba satngam iduseg ta tane pasa isam tuku ngaro wasni njak pronaig tukunu sine tugunu njakmba tumtngam tuku piro kareŋkeg. 12 Tane o buk Kuate tuku pasa isnaig ta kile tane nane afu tumtngam tuku ta tane kumuŋ kuga. Sine maŋ pasa ndui ta tugu patika tumtngam iduseg. Tane kiyo dabro tajan amo ndo nyam kumuŋ. Tane nyamagan kareŋnu nyam kumuŋ kuga. 13 Kiyo dabro amo ndo nyumba minit tajan tane maŋau tiŋreknu katese ndamba mbirmbarmba minig. 14 Tango sugonje ndo nyamagan kareŋnu nyade. Nane mara mara maŋau tiŋreknu dubika wam magenu njagonu pitik katesede sulumba wam magenu ta ndo dubikade.

**6** 1 Sine Kristus tuku pasa amo suk ta buk ismba kila pilgeŋ tukunu kile sine nu tuku pasa nyamagan kareŋnu suk ta isam tuku wamdus pilmba ka sugokube. Sine makek maŋ lato lato sigrika wande palmbim kumuŋ kuga. Sine buk wam kame alo kugatok dubikigeŋ ta kusreka ngamunggal biye mbilmba makek kareŋnu siriwanu tajan 2 kule pisne maŋau e ko tango mbolnje wai patinu tuku maŋau sine kila pilgeŋ. Sine tango kummba maŋ tiŋga e ko mbal njagonu lafu njayonu tumba minmba minam tuku pasa ta mata sine buk kila pilgeŋ. Ta tuku kile sine pasa alo sugo njak isam tuku wamdus pilmba ka sugokube. 3 Kuate nuje ndin tumsinguwa ta sine ndin ta mbolnje sugokamngig.

4 Nane afu Kristus tuku wam katese mayemba maŋ kusrewaig ta nane kile-luka kilam tuku ndin ande kanjer ndaweg. Ta ndanam? Kuate tuku bulu tanje nane tuku wamdus kilnaniŋgina. Kuate nu ake sinaŋ tango make patikate wam ta nanjine wamdus sinamnje kamusnaig. Nane

Tukul Guwa mata tinaig. <sup>5</sup>Nane Kuate tuku pasa ismba tagonaig ta mayenu nga idusnaig. Kilke kitek tuku sangri minmba minam tuku ta mata kamusnaig. <sup>6</sup>Nane Kristus tuku wam jakmba ta kila patika man kusrekuwaig ta nane Kuate tuku Kiyo ngumneba nu tumba nangine waimbi lato man ail kazrai mbolnge dannganu sukde. Nane nu tuku nyu nayo silide le jakmba kangerde. Ta tuku nane ngamungal biye mbilam tuku ndin ande mine ndakate.

<sup>7</sup>Tane kilke tuku manau kangerap. Mara mara sawe piymba kilke mbolnge ndekate ta kilke nu sawe tate sulumba tanjo tuku piro turka nyamagan magenu tingade ta Kuate nu kilke ta nyaro mayenu tuwit. <sup>8</sup>Kilke ande sawe tate sulumba anga najgonu prode ta kilke ta piro kugatok. Kuate nu kilke ta kasuram bafute. Ngumneba nu kilke ta piyamngat.

<sup>9</sup>Tira kame, sine tane pasa pitinu satinngig ta Kuate nu tane mbolnge tanawe nda nga sine iduseg. Kuate nu tane tuku muskil kile-tidinge tingguwa le tane nu kangeramngaig. <sup>10</sup>Tane Kuate tuku kume purmba nu tuku mbal turka minig wam ta Kuate nu gilainge nda. <sup>11</sup>Tane jakmba tanjine manau mayenu ta biye demba minap le ma ma wam tairnga minig ta alonu promba tane tumail pulutingamngat. <sup>12</sup>Tane kanyummba ngaro wasni jak mine ndakap. Kuate nu tanjo mbolnge wam magenu kamngit nga sakina ta o buk nane afu nu kumu ngamungal mukuk tairnga minnaig ma ma kile nane Kuate tugumnge kangerkade. Tane nane tanan minap.

<sup>13</sup>O buk Kuate nu wam mayenu ande kam tuku Abraham sana ta nuje pasa sangri pilewam tuku Sunjo ande nu limba mine ndakina le nu nuje nyu tambi pasa sangri pilemba tejenmba Abraham sana: <sup>14</sup>Ye Sunjo. Ye sinka ne mbolnge wam mayenu kamngit. Yenge ne tuku ndare te-tugewi le sunjokamngat nga Abraham sana le <sup>15</sup>nu ngamungal mukuk tairnga minna ma ma tina.

<sup>16</sup>Sine tanjo singine pasa sangri pilewam tuku singine nyu tambi sa ndakeg. Singine mbara nu tuku nyumbi sine pasa sangri pileweg. Manau ta mbolnge ande nu sine tuku pasa pitaiwam kumu kuga.

<sup>17</sup>Kuate nu nuje mbal mbolnge wam mayenu kam tuku sakina ta nu wamdus biye mbil ndamba sinka kamngat nga sine idusbe nga nu tanjo tuku manau dubimba nuje nyumbi nuje pasa sangri pilena. <sup>18</sup>Kuate nu pasa sakate ko nuje nyumbi sangri pilete wam ar ta mbilka kise mayok kine nda. Nu yabrikam kumu kuga. Sine afu Kuate nge tursingguwa nga kua ka nu tugum kineg mbal sine nu tuku pasa biye demba ngamungal mukuk alonu tairnga minbe nga nu wam armba te kile-mayokkina. Nu nuje pasa sakina sulumba man nuje nyumbi sangri pilena.

<sup>19</sup>Wam armba ta mbolnge sine nu tuku pasa alonu tairnga mineg mbal wan anga ndinkanu tanan bike ndakeg. Singine anga ta samba mbolnge



tukul tawi sinamŋge Kuate tugumŋge minit. Purkam kumuŋ kuga.  
<sup>20</sup>Yesus nu Melkisedek taŋaŋ pris suŋgo minmba nu amboŋga sine tuku  
 ndin wakeimba sinam kumba sinenu ŋga Kuate tumailamŋge pris piro  
 biymba minmba minit.

### Melkisedek nu pris mbal ŋakmba liniŋgina

**7** <sup>1</sup>Melkisedek nu taŋgo suŋgo nyu ŋak ma ande nyunu Salem  
 kulatkina. Nu Kuate tuku pris minna. Mara ande Abraham taŋgo  
 sugo afu ndoŋ kame bumba nu nane ŋakmba kile-iberjka nu luka kumba  
 ndinŋge Melkisedek te-silikina le nu nyaro pasa tuna. <sup>2</sup>Taŋana le nu  
 Melkisedek nu taŋgo suŋgo ŋga nuŋe agaŋ ndende ŋakmba maŋgur 10  
 patika ande tumba nu tuna.

Melkisedek nyu tugunu ta Maŋau Tiŋreknu tuku Gabat. Nu kulatkina  
 ma Salem nyu tugunu ta Wamdus Bulok. Ta tuku nu mata wamdus bulok  
 tuku gabat. <sup>3</sup>Melkisedek tuku ina mam nu tuku wa mbuŋ kame tuku  
 pasa ande ta tuku mine ndakate. Nu prona tuku tugu e ko kumna tuku  
 tugu ta sine gilai. Nu wam ta kugatok taŋaŋ minna. Nu Kuate tuku Kiŋo  
 taŋaŋ nu pris minmba minit.

<sup>4</sup>Melkisedek nu siŋka nyu suŋgo. Siŋgine mbuŋ suŋgo Abraham tuku  
 wam kaŋgerap. Nu gabat afu ndoŋ kame buna sulumba gabis agaŋ ndende  
 kilna ta maŋgur 10 patika ande tumba Melkisedek tuna. <sup>5</sup>Ŋgumneŋga  
 Levi tuku mbuŋ afu atrau piro biyam tuku Kuatenŋge madiniŋgina. Nane  
 atrau piro biynaig sulumba naŋgine mbal tuku agaŋ ndende maŋgur 10  
 patika ande didika kilnaig. Nane naŋgine mbal liniŋginaig ta tuku kuga.  
 Nane ŋakmba Abraham tuku mbuŋ. Nane Moses tuku tukul ande dubimba  
 naŋgine mbal tuku agaŋ ndende kilnaig. <sup>6</sup>Melkisedek nu Levi tuku ndare  
 kuga. Abraham nu agaŋ ndende maŋgur 10 patika ande tumba nu tuna le  
 Melkisedek nu suŋgo tukunu nu ndek yaimba kilna. Nu kilna sulumba nu  
 Abraham nyaro pasa tuna. Abraham nu ake taŋgo kuga. Kuate nu taŋgo  
 mbolŋge wam mayewam idusna sulumba nu Abraham pasa mayenu ta tuna.

<sup>7</sup>Ima nu suŋgo? Taŋgo nu nyaro pasa tuwit ta e ko nyaro pasa tate  
 ta? Taŋgo nu nyaro pasa tuwit nu suŋgo. Ta tuku Melkisedek nu siŋka  
 Abraham lite. <sup>8</sup>Levi tuku mbuŋ afu naŋgine mbal tuku agaŋ ndende  
 maŋgur ande kilnaig ta nane taŋgo ndo ŋakmba kume far sulunaig.  
 Melkisedek nu Abraham tuku agaŋ ndende maŋgur ande kilna ta kuyar  
 pasa nu tuku teŋenmba sakate. Nu abo ŋak minmba minit ŋgate.

<sup>9-10</sup>Melkisedek nu ndinŋge Levi tuku mbuŋ Abraham kaŋgerna le ait  
 ta mbolŋge Levi kugatok ta nu mbuŋ nuŋe tuku fuŋgul sinamŋge minna.  
 Abraham nu nuŋe agaŋ ndende maŋgur 10 patika ande Melkisedek tuna  
 ta nu nuŋe ndare Levi tuku turmba Melkisedek tambinu taŋaŋ kina. Ta  
 tuku kile Levi tuku mbuŋ afu naŋgine mbal tuku agaŋ ndende ndui ndui  
 yaika kilig ta nane pris suŋgo Melkisedek li ndade.

### Yesus nu Aron lite

<sup>11</sup>Kuate nu Levi tuku tugu Aron tuku ndare nane pris piro biymba kulatkuwaig ŋga nu tukul maŋau taŋgo pino dubiwam tuku te-mayokna. Naŋgine piro ta mbolŋge taŋgo pino Kuate am mbolŋge kumumbi mayok kinaig kande pris kitek ande mayok nda kina kande. Pris kitek mayok kina ta nu Aron tuku ndare kuga. Nu Melkisedek taŋaŋ mayok kina.

<sup>12</sup>Pris kitek mayok kuwa ta tukul maŋau kitek turmba mayok kinit. Tukul ambokok kugate. <sup>13</sup>Pris kitek ye sakit ta nu Levi tuku tugu kuga. Nu Yuda tuku tugu. Yuda tuku mbuŋ ande atrau mbain mbolŋge atrau ndakina. <sup>14</sup>Siŋgine Sungo Yesus nu Yuda tuku tugu mbolŋge prona wam ta sine ŋakmba kila. Moses nu atrau piro biyam tuku Israel mbal saniŋgina ta nu Yuda tuku nyu te-mayok ndana. Ta tuku tukul maŋau ambokok sinamŋge Yuda tuku tugu ande pris piro biyam kumuŋ kuga.

<sup>15</sup>Pris kitek Melkisedek taŋaŋ mayok kina wam ta mbolŋge sine kilimok kaŋgereg. Maŋau kitek turmba mayok kina. <sup>16</sup>Yesus nu pris mayok kina ta tukul ande dubimba pris mayok nda kina. Nuŋe mbuŋ ande pris piro biye ndakina. Nu abo ŋak minmba minam tuku nuŋe saŋgri tambu nu pris mayok ka piro ta tina. <sup>17</sup>Kuatenge nu tuku teŋenmba sakina. Ne Melkisedek taŋaŋ pris minmba minamŋgat.

<sup>18-19</sup>Ambokok maŋau ta gisleknu. Taŋgo pino tur ndakina. Tukul maŋau mbolŋge nane tiŋreknu mayok ndakinaig le Kuate nu maŋau ta te-sina. Kile maŋau kitek Yesus mbolŋge alonu tamŋgig ŋga tairŋga mineg maŋau ta kumuŋ. Sine nu mbolŋge kumumbi mayok ka Kuate tugum kineg.

<sup>20-21</sup>Pris ambokok nane atrau piro biyam tuku Kuate nu saniŋgina ta nuŋe nyumbi pasa saŋgri pile ndana. Nu Yesus pris mayok kambim tuku sakina ta nu nuŋe nyumbi pasa ta saŋgri pilemba sana: Ye Sungo. Ye yiŋe pasa yiŋe nyumbi saŋgri pilemba saken. Ye wamdus mbilmba kisemba sake nda. Ne mara mara pris minmba minamŋgat ŋgina.

<sup>22</sup>Kuate nuŋe pasa saŋgri pilemba nu Yesus pris minmba minam tuku pilna. Ta tuku nu pasa kitek Kuatenge katna ta kulatka minwa le alonu kugawe nda. Minmba minamŋgat. Ta tuku pasa kitek taŋge o buk Moses ndoŋ pasa katna ta lite.

<sup>23</sup>Pris ambokok nane ŋakmba kume likinaig. Ta tuku nane lafu-lafuka pris piro biymba minanu. <sup>24</sup>Yesus nu abo ŋak minmba minit tukunu nuŋe atrau piro kusrewe nda. <sup>25</sup>Nu mara mara abo minmba samba mbolŋge Kuate tugumŋge taŋgo tuku yabaŋmba minit. Nane afu nu tuku piro tuku saŋgri tomba tiŋga Kuate tugum kinig mbal nu nane tuku muskil kile-tidiŋa minit.

<sup>26</sup>Yesus nu kumumbi sine tuku atrau piro biyit. Nu purfeŋnu. Mbar ande nu mbolŋge mine ndakate. Nu sine taŋgo taŋaŋ mine ndakate. Nu

une kugatok. Kuatenge nu te-dunğa samba mbolnge pilmba nyu sunĝo tuna. <sup>27</sup>Pris ambokok nane mara mindek ambonğa nanĝine une sauka ngumneņa taņĝo pino tuku une saukam tuku ağanmor bale farmba atraukanu ta Yesus nu taņa ndana. Nu nuņe nĝarosu kumam tuku pilna le afunĝe nu balenaig le atraukam nduina. Not ndo. <sup>28</sup>Tukul maņau sinamnge Kuate nu sine taņĝo une nĝak kilmba atrau piro biyam tuku patikina. Ngumneņa nu pris kitek piro biyam tuku Kuate nu nuņe nyumbi pasa saņĝri pilena ta nu nuņe Kiņo nuņe pilna. Nuņe Kiņo ta nu purfeņnu minmba nu pris sunĝo kumumbi mayok ka taņamba minmba minit.

### Yesus nu pasa kitek kulatkate

**8** <sup>1</sup>Ye pasa nĝakmba sake likit ta tugunu teņenmba. Siņĝine pris sunĝo Yesus nu samba mbolnge Kuate tuku ndinam kumamnge minyok minit. <sup>2</sup>Nu samba mbolnge Kuate tuku wande tugusek ta sinamnge nuņe atrau piro kumba minit. Wande ta Kuatenge pilna tuku. Taņĝonĝe pile ndakinaig.

<sup>3</sup>Pris sugo nane ağan yimyam Kuate tumba ağanmor kilmba bale farde. Nane atrau piro ta ke likam tuku pris nyu tinaig. Siņĝine pris sunĝo nu mata piro ta kam tuku nyu tina. Nu ağan ande Kuate atraukam kumuņ.

<sup>4</sup>Yesus nu kilke te mbolnge minit kande nu atrau piro biye ndakate kande. Pris gudommba Moses tuku maņau mbolnge tukul dubimba ağan yimyam kilmba Kuate atrauka tuwig. <sup>5</sup>Kilke te mbolnge atrau piro kade mbal nane samba mbolnge piro tugusek ta tuku kanunu ndo kade. Moses nu tawi wande palmbim bafuna le Kuate nu wam pagumba sana:

Ne isa. Ne buk tabe mbolnge minna le ye wande kanunu te-mayokmba tumnen taņamba ndo pale nĝina. *Kisim Bek 25.40*

<sup>6</sup>Kuate nu alonu sunĝomba prowamņgaig nĝa pasa kitek katna. Kile Kristus nu alonu ta kile-mayokkate. Pasa kitek tuku alonu sunĝokanu pasa ambokok lite. Ta tuku atrau piro Kuate nu Kristus tuna taņĝe pris mbal tuku piro ambokok mata lite. <sup>7</sup>Kuate nu Moses ndoņ pasa katna ta sinamnge taņĝo pino kumumbi minnaig kande nu maņ pasa kitek kat ndana kande. <sup>8</sup>Kuate nu tukul pasa kumnemnge minnaig mbal nu nane ndoņ pasa nĝak minmba teņenmba sakina.

Ye Sunĝo, ye satinĝamņĝit. Ait ande prowa le ye Israel mbal ndoņ Yuda mbal turmba pasa kitek saņĝrinu katamņĝit.

<sup>9</sup>Ye o buk Israel mbal tuku mbuņ turka ndin te-mayoken le Isip kusremba kinaig ait mbolnge nane pasa saņĝrinu katen taņamba kuga. Nane ye tuku pasa ta dubi maye ndamba kusrenaig le ye nane ngumneniņĝen.

<sup>10</sup>Ye Sunĝo ye satinĝamņĝit. Ngumneņa ait kumuņĝuwa le ye pasa kitek teņenmba Israel mbal ndoņ katamņĝit. Ye yiņe tukul

pasa ñakmba nane dubi magekam tuku nane tuku ñgamunjal sinamñge patike likamñgit. Ye nane tuku Mbara Sunjo mini le nane yiñe mbal minamñgaig.

11 Nane nanjine kilke tuma mbal nanjine ndare Kuate tuku kila pilwaig ñga mañ tumññge nda.

Nyu ñak nyu kugatok mbal nane ñakmba ait ta mbolñge ye kila minamñgaig.

12 Ye nane mapeka nanjine wam ñaigonu sauke ñingamñgit. Tanjawi sulumba ye nane tuku une ñakmba gilaingamñgit ñgina.

*Yeremia 31.31-34*

13 Kuate nu pasa kitek katam saka nu pasa ambokok te-sina le piro kugatok minit. Nu piro kugatok minmba ñgisinu bafute.

### **Kuate mbariñam tuku kilke mbolok tawi wande**

**9** <sup>1</sup>Pasa ambonja Kuate nu Moses ndoñ katna ta nane ta sinamñge fare fare Kuate mbariñ ndanaig. Nane tukul afu dubika nu mbariñnaig. Nane nu mbariñam tuku kilke te mbolok tawi wande pilnaig.

<sup>2</sup>Nane wande tumailamñge bulu ande mbain mbolñge pilnaig. Tukul bret Kuate am mbolñge patikinaig tuku mata mbain ta mbolñge minnaig. Tawi wande ta nyunu tukul wande. <sup>3</sup>Tukul wande ta ñgamunje malanja tukulanu tawi sunjokanu minna. Tawi ta ñgumnemñge tawi ma ande minna ta nyunu tukul wande sunjo.

<sup>4</sup>Wande ta sinamñge mbain ande agañ afu pasokanu le mundur magenu prowanu ta minna. Mbain ta nane golmbi wakeinaig. Kuate nu Israel mbal ndoñ pasa katna ta tuku bokis mata minna. Nane ñgaronu golmbi wakeinaig. Ndambe armba tukul pasa kuyaranu ñak, gol waim mana fudiñndo ñak, Aron tuku ndumndum kuzru prona ta ñakmba bokis sinamñge patikinaig. <sup>5</sup>Bokis mbolñge eñel armba wakeika patikinaig. Eñel ar ta magenu ndo kilña ñak. Nale nakile salmban kuitka bokis tukulnu songinaik. Kuate nu tanjo tuku mbar saukam tuku pris sunjo nu bokis tukulnu ta mbolñge agañmor ndarenu bareñanu. Sine kile tawi wande tuku agañ ndende ñakmba satinjam tuku ait kuga. <sup>6</sup>Nane tanjamba tawi wande tuku agañ ndende ñakmba patike likinaig.

Pris mbal nane mara mara wande tumailam ta sinam kumba atrau piro yimyam kumba minnaig. <sup>7</sup>Tawi ma ñgumnemñge minna ta pris sunjo ndo nu wande ta sinam kambinu. Mara mara kuga. Yar ndindo sinamñge ki ait ndindo ndo nu wande ta sinam kambinu. Nu kambim ñga agañmor ndare kilmba nuñe mbar, tanjo pino tuku mbar, mbar afu nane kumba kamus ndanaig ta ñakmba saukam tuku Kuate atraukanu. <sup>8</sup>Mañau ta mbolñge Tukul Guwa nu teñenmba sine tumsinjit. Ambokok mañau sinamñge tukul wande tumailamñge atrau piro kuga ndawa ta ake tanjo nu tukul wande sunjo ñgumnem ta sinam kumba Kuate tugum kambim kumuñ kuga.

<sup>9</sup>Tawi wande ta mañau kitek te tuku kanunu ndo. Mañau ta sinamñge nane Kuate mbariñam ñga agañ yimyam Kuate tuku patika agañmor kilmba bale farmba atrauka tañamba tañamba minnaig. Nane tañanaig ta nañgine mbar mañau tuku piti nañgine wamdus sinamñge minnaig. <sup>10</sup>Nane kule le nyamagañ tuku tukul ñgarosu agañ ndende minyañge likam tuku tukul ta ndo dubika minnaig. Tukul ñakmba ta ñgarosu tuku ndo. Nane tukul kame ta dubika minwaig le Kuate nu mañau kitek te-mayokuwa le tukul kame ta sañgri kugawamñgaig.

<sup>11</sup>Nane tukul mañau dubika minnaig le ta ñgamukñge Kuate tugumñge ñgamuñgal mukuk ñak minam tuku mañau prona. Kristus nu pro mañau ta tuku pris suñgo mayok kina. Nu Kuate tuku wande sinam kumba ka pris suñgo piro biyit ta kilke mbolok wande kuga. Samba mbolok wande tugusek. Tañgonge pile ndakinaig tuku. <sup>12</sup>Nu wande ta tuku tukul wande suñgo nduiye sinam kina. Nu pris suñgo ambokok tañañ meme le makau fat tuku ndare kilmba tukul wande suñgo sinam kine ndakina. Nu nuñe ndare tumba ka ndare tambi sine piyasiñmba sine tuku muskil nduiye kile-tidiñgina.

<sup>13</sup>Mañau ambokok dubimba nane meme le makau pailnu tuku ndare kilmba makau pañgar fatnu pasokinaig tuku kuke tugu ta tur mbilmba tañgo nu wam afu mbolñge kutur kilanu ta nane mbolñge bareñniñginaig. Bareñniñginaig le nañgine ñgarosu tuku kutur saukinaig.

<sup>14</sup>Kristus tuku ndareñge agañmor ndare tuku piro lite. Nu purfeñnu ndo minmba nuñe minmba minam tuku mañau tuku sañgri mbolñge nuñe ñgarosu kumam tuku pilmba Kuate atraukina. Wam afu dubikeg le tur ndasiñgig le wamdus piti ñak mineg ta nuñe ndarembi mbar ta ñakmba sauke suluwa le sine ñgamuñgal mukuk ñak Kuate mbariñam kumuñ. <sup>15</sup>Pasa kitek Kuate katna ta kile Kristus nu alonu kile-mayokkate. Nu tuku kume mbolñge pasa amboñga katna ta kumnemñge minmba mbarde mbal muskil kile-tidiñge niñgit. Kile Kuate nu o buk sakina tañamba nu wikade mbal ñakmba nuñe wam magenu kilam tuku minig.

<sup>16</sup>Tañgo ande ñgumneñga ye kumi le ye tuku agañ ndende yiñe mbalñge kilam tuku ñga idusmba nu wañe ande kuyarmba pilit. Tañgo ta nu kumit le ndo nu tuku agañ ndende kuembol walmba kilig. <sup>17</sup>Nu nuñe pasa kuyarte sulumba nu abo minit ta kuyar ta alo kugatok tañañ minit. Nu kumit le ndo alonu mayok kinit. <sup>18</sup>Wam ndui ta ndo Kuate nu pasa o buk tañgo ndoñ katna ta alonu mayok kuwa ñga tane agañmor bale farap ñgina. Ndare tambi pasa katna ta tugu pilnaig ta teñenmba. <sup>19</sup>Moses nu tukul pasa ñakmba tañgo pino saniñgina sulumba nu makau fat le meme tuku ndare kilmba kule tur mbilna. Tañamba nu sipsip ñguenu gurgur kilmba hisop ail wañenu tur kusmba pilna le ndare sinam kina. Kina le tumba bareñna le tukul kuyaranu wañe tañgo turmba mbol kinaig. <sup>20</sup>Tañamba Moses ndek sakina: Tane dubikam tuku Kuate nu tane ndoñ pasa katna ta ndare tembi tugu pilit ñgina.

<sup>21</sup>Nu wam kina taŋamba ndo ndare ta tumba ka tawi wande sinamŋge Kuate atraukam tuku agaŋ ndende ŋakmba mbolŋge bareŋningina. <sup>22</sup>Moses tuku tukul maŋau ta sinamŋge kutur ŋakmba mayok kinaig ta ndarembi ndo saukinaig. Ndare kutu ndate ta taŋgo tuku une sau ndakate.

### Yesus nu kummba sine tuku une saukina

<sup>23-24</sup>Maŋau ambokok sinamŋge nane agaŋmor ndarembi kutur saukinaig. Maŋau ambokok ta samba mbolok maŋau kube ndo naig. Kristus nu kilke te mbolok tuku tukul wande sinam kine ndakina. Nu samba mbolok tuku wande tugusek ta sinam kina sulumba kile sine turkam tuku Kuate tugumŋge minit. Ta tuku samba mbolok agaŋ ndende agaŋmor ndarembi kutur saukam kumuŋ kuga. Atrau agaŋ purfeŋnumbi ndo kutur saukam kumuŋ.

<sup>25</sup>O buk yar kidemba ki ait ndindo mbolŋge pris suŋgo nu tukul wande suŋgo sinam kambim ŋga nuŋe ndare tumba kine ndakina. Nu agaŋmor ndare kilmba kambinu. Kristus nu taŋa ndana. Nu nuŋe ŋgarosu kumam tuku palmbim nduina sulumba nuŋe ndare tumba samba mbolok tukul wande sinam kina. <sup>26</sup>Nu wam ta ke ndakina kande Kuate nu kilke te-mayokna ait ta mbolŋge nu tugu pilmba kume tutur-tuturmba ka kile taŋamba minit kande. Ait kugawam tuku ait te mbolŋge nu mayok kina sulumba nuŋe ŋgarosu tambu une ŋakmba sauke suluwam tuku Kuate atraukam nduina. <sup>27</sup>Taŋgo ŋakmba kume nduiwaig sulumba Kuate nu nane pileningam tuku ait tairŋga minamŋgaig. <sup>28</sup>Taŋamba ndo Kristus nu nuŋe ŋgarosu pilna le nane nu balenaig le nu kumam nduina sulumba taŋgo gudommba tuku une saukina. Nu maŋ luka prowamŋgat ta une saukam tuku prowe nda. Sine nu minde mineg mbal sine tuku muskil kile-tidiŋge siŋgam tuku prowamŋgat.

**10** <sup>1</sup>Tukul maŋauŋge samba mbolok tuku tugusek maŋau tuku alonu kile-mayok ndakate. Nu wam tugusek tuku kanunu ndo. Ta tuku nane tukul dubimba yar kidemba agaŋmor ndui ta ndo kilmba bale farmba atrauka Kuate am mbolŋge kumumbi mayok kine ndakade. <sup>2</sup>Nane kumumbi mayok kinaig kande nane une tuku piti kamus ndamba agaŋmor maŋ kilmba bale farmba atrau ndakinaig kande. <sup>3</sup>Nane yar kidemba une saukam tuku agaŋmor kilmba bale farniŋmba atraukinaig sulumba naŋgine une ta idusmba minanu. <sup>4</sup>Makau pailnu le meme tuku ndarembi une saukam kumuŋ kuga. <sup>5</sup>Ta tuku Kristus nu kilke te mbol prona sulumba nu Kuate sana:

Nane agaŋmor kilmba bale farmba agaŋ kise kise ne tanmbim tuku patikade wam ta ŋakmba ne nzali ndanate. Ta tuku ne ye ŋgarosu te sina.

<sup>6</sup>Nane agaŋmor kilmba bale farmba ŋak pasokade ko naŋgine une idusmba agaŋmor bale farmba atraukade wam ta ŋakmba ne nda nzalinate.

<sup>7</sup>Ta tuku ye ne sanamngit. Kuyar pasa ye tuku tanjamba sakate ta ye prowen te ne tuku nzali njakmba dubikam tuku minet. *Mune 40.6-8*  
Kristus nu tanjamba Kuate sana.

<sup>8</sup>Kristus tuku pasa ta tugunu tejenmba. Nu ambonnga sakina: Aganjmor kilmba bale farmba aganj kise kise ne tanmbim tuku patikade wam ta ne nzali ndanate. Aganjmor kilmba bale farmba njak pasokade ko afu nanjine une tuku atraukade manjau ta njakmba ne nda nzalinate njina. Nane tukul manjau dubimba manjau njakmba ta kinaig ta <sup>9</sup>Kristus nu manjau pasa tuturmba sakina: Ye prowen te ne tuku nzali njakmba dubikam tuku minet njina. Nu manjau kitek Kuate tuku nzali njakmba dubikam tuku ta mayok kuwa nga tukul manjau tuku piro te-sina. <sup>10</sup>Kristus nu Kuate tuku nzali ta dubimba nuje njgarosumbi Kuate atraukam nduina. Tanjana le Kuate tuku nzali mayok ka Yesus Kristus tuku kume mbolnje sine nu am mbolnje kumumbi mayok kagej.

<sup>11</sup>Tukul manjau mbolnje pris mbal nane tawi wande sinamnje mara mindek tange piroka tij minig. Nane aganjmor ndui ta ndo kilmba bale farmba atraukade ta aganjmor ndarenuje tango tuku une saukam kumuj kuga. <sup>12</sup>Kristus nu tango tuku une saukam tuku nu nuje njgarosu kumam tuku pilmba Kuate atraukam nduina. Nu tuku atrau aganj une saukam tuku sanjri minmba minamngat. Nu tanjana sulumba nu Kuate tuku ndinam kumamnje minyoka <sup>13</sup>Kuate nu nuje njgueu mbal njakmba kile-ibenka nu kumnemnje patikam tuku tairnga minit. <sup>14</sup>Nu nuje njgarosu atraukam nduina le sine nu mbolnje purfejnu mayok kineg mbal Kuate am mbolnje kumumbi minmba minamngig. <sup>15</sup>Tukul Guwa nu wam ndui ta ndo tumsingit. Nu ambonnga tejenmba sakina.

<sup>16</sup>Ye Sunjo ye sakamngit. Ait ande prowa le ye pasa kitek tejenmba Israel mbal ndoj katamngit. Ye yije tukul pasa njakmba nane dubi magekam tuku nane tuku njgamungal sinamnje patike likamngit njina. *Yeremia 31.33*

<sup>17</sup>Tukul Guwa nu lato manj tejenmba sakina.

Ye nane tuku une wam njagonu njakmba gilaingamngit njina.

*Yeremia 31.34*

<sup>18</sup>Kuate nu sine tuku une njakmba sauka gilaingina tukunu une saukam tuku atrau aganj nu piro kugatok minit.

### Sine Kuate tugum kab

<sup>19</sup>Tira kame, Yesus nu nuje ndarembi sine tuku une njakmba sauke suglukina. Ta tuku kile sine kuru kuru ndaka njgaro bulok samba mbolok tukul wande sunjo sinam kumba Kuate tugum kab. <sup>20</sup>Sine Kuate tugum kambim tuku Yesus nu nuje njgarosu atrauka ndin kitek wakeina. Ndin ta abo njak minmba minam tuku. <sup>21</sup>Nu pris sunjo mayok ka sine Kuate tuku mbal kulatkate. <sup>22</sup>Nu singine mbar tuku piti sauke sulumba kule

purfeɽnumbi sine tuku ɽgarosu ɽakmba minyaɽgina. Ta tuku sine wamdus ndindo tumba Kristus tuku saɽgri tomba tiɽga ɽgarosu bulok Kuate tugum kab. <sup>23</sup>Sine nu tuku pasa tuku alonu tairɽga mineg ta kusre ndamba biye debe. Kuate nu siɽka nuɽe pasa dubimba siɽgine muskil kile-tidiɽge siɽgamɽgat.

<sup>24</sup>Sine tira kame nane afu ɽgamuɽgal niɽgam tuku afu mboluɽge maɽau magenu ke likam tuku siɽgine siɽgine ɽgamuɽgal kuagnekube. <sup>25</sup>Siɽgine mbal afu Kuate mbariɽam tuku maɽgur ndakade ta sine taɽa ndabe. Sine maɽgurka siɽgine siɽgine tira ndoɽ muɽgu saɽgri pileniɽbe. Suɽgo prowam tuku ait buk patukate. Ta tuku sine mara mara maɽgurkube.

### **Kristus ɽgumnewam tuku maɽau**

<sup>26</sup>Sine Kuate tuku pasa tugusek ismba kila pilmba siɽgine nzali ndo dubimba wam ɽaigonu kumba mineg ta atrau agaɽ ande une saukam tuku mine ndakate. <sup>27</sup>Sine taɽamba mineg ta sine pilesiɽgam tuku ait Kuate nuɽe ɽgueu mbal kilmba pa kame ɽayo mbol pankamɽgat ta tairɽga minbe.

<sup>28</sup>Taɽgo ande nu Moses tuku tukul pasa ande ake agaɽ taɽaɽ ɽga lukamba likina ta taɽgo armba ko keɽmba nu kaɽgermba nu tumba ka pasa mboluɽge te-timba nu mape ndamba balewanu. <sup>29</sup>Ande nu Kuate tuku Kiɽo ɽgumnete ta siɽka nu ɽgaro mukuk mine nda. Yesus nuɽe ndare kutuna le Kuate nu pasa kitek katna ta alonu mayok kina. Nane ndare ta ake agaɽ ɽgade ta ndare ta mboluɽge ndo nane purfeɽnu mayok kambim tuku nu kumna. Tukul Guwa nu nane ake sinaɽ make patikam iduste ta nane nu tumail pande. Mbal ta nane siɽka pa suɽgo tam tuku minig.

<sup>30</sup>Kuate nu pasa teɽenmba sakina: Maɽau ɽaigonu lafunu ta ye tuku piro. Yeɽge pa niɽgamɽgit ɽgina ta sine ɽakmba kila. Nu lato pasa ande mata sakina: Ye Suɽgo. Ye yiɽe mbal ɽakmba pileniɽgamɽgit ɽgina. <sup>31</sup>Ande nu Kuate minmba minit nu tuku pa kaɽgerwa sulumba ose. Nu kuru kuru suɽgo tamɽgat.

### **Sine saɽgri tiɽga diriɽangube**

<sup>32</sup>Ambouga bulu mayenu tane tugum prona le tane piti sugo afu pronaig ta tane saɽgri tiɽga diriɽaɽga minnaig. <sup>33</sup>Nane tane kilmba taɽgo am mboluɽge kile-tidiɽga piti sugo tiɽmba tane tumail pantiniɽgaig. Mara afu taɽgine tira afu mboluɽge taɽanaig ta tane kuru kuru ndaka nane ndoɽ ulendikinaig. <sup>34</sup>Nane afu muliɽ kilanu minnaig ta tane nane ndoɽ piti kuranaig. Nane afuɽge tane tuku agaɽ ndende ake kilmba ɽaigo siglikiɽgaig ta tane ta tuku wamdus piti suɽgo nda tinaig. Agaɽ kame ta kilke te tuku agaɽ ndo ɽga taɽgine samba mbolok agaɽ ndende magenu



minmba minam tuku ta idus tidinginaig. Tangine maŋau mayenu ta gilai ndaŋgap.

<sup>35</sup>Tane saŋgri tiŋga dirnaŋga taŋamba ndo minap ma ma lafu mayenu tamŋgaig. <sup>36</sup>Maŋau tambi ndo Kuate tuku nzali ŋakmba dubikap sulumba wam mayenu prowamŋgat ŋga sakina ta tamŋgaig. <sup>37</sup>Kuate tuku pasa te tane isap.

Ande prowamŋgat ta nu dalke nda. Mine minemba prowamŋgat.

<sup>38</sup>Yiŋe taŋgo tiŋreknu nu ye ndo idusyumba ye kumuŋ ŋga saka minwa. Nu kuru-kuruka lukuwa ta ye nu nzaliwe nda.

*Habakuk 2.3-4*

Kuate tuku kuyar pasa taŋamba sakate. <sup>39</sup>Tira kame, afu kuru-kuruka luka ŋgisikade ta sine nane taŋaŋ kuga. Sine Kuate tala ndamba nu kumuŋ ŋga abo ŋak minmba minam tuku mbal mineg. ŋgisike nda.

### Kuate tuku saŋgri tomba tiŋgam tuku mbal

**11** <sup>1</sup>Sine Kuate tuku saŋgri tomba tiŋgeg wam ta tugunu teŋemba. Sine wam kame tairŋga mineg ta siŋka kilamŋgig ŋgeg. Agaŋ ndende ammbi kaŋger ndakeg ta sonndo minig ŋga ŋgamuŋgalmbi iduseg. <sup>2</sup>Siŋgine mbuŋ kame nane maŋau ndui ta ŋak minnaig le Kuate nu nane tuku gare ŋak nyu sugo niŋgina.

<sup>3</sup>Sine Kuate kumuŋ ŋga sakeg ta nuŋe pasambi samba kilke kile-mayokkina ta sine kila. Sine agaŋ ndende ammbi kaŋgerkeg te nu agaŋ ammbi kaŋger ndakeg tambi nu kile-mayokkina ŋgeg.

<sup>4</sup>Abel nu Kuate tuku saŋgri tomba tiŋga agaŋmor tumba atraukina. Atrau agaŋ taŋge Kain tuku atrau agaŋ lina. Kuate nu Abel tuku atrau ta kaŋgermba nzalina le nu taŋgo tiŋreknu ŋga nu tuku nyu te-mayokna. Nu o buk kumna ta nuŋe maŋau mayenu taŋge sine tumsiŋmba minit.

<sup>5</sup>Enok nu Kuate tuku saŋgri tomba tiŋgina ta nu kume ndakina. Kuateŋge nu ŋgarosu ŋak tina le afu nu tuku mindesiŋ kaŋgeram tuku sotete pisenginaig. Kuate nu Enok nda tina sulumba nu tuku gare sungo tina. Kuyar pasa taŋamba nu tuku sakate. <sup>6</sup>Ande nu Kuate talate ta nu Kuate gare tambim kumuŋ kuga. Ta tuku ande nu Kuate tugum kambim ŋga Kuate nu siŋka minit ŋguwa. Ne nu sota le nu ne mbolŋge wam mayenu kamŋgat ŋga idusa.

<sup>7</sup>Kuate nu wam ŋgumneŋga prowam tuku Noa riroŋ pasa sana ta nu ismba Kuate tuku pasa son ŋga nu nuŋe ndare mage minam tuku waŋ ande kusna. Noa tuku maŋau taŋge kilke mbolok mbal tuku maŋau ŋayonu kilimok te-mayokna. Kuate nu kumuŋ ŋgina ta nu am mbolŋge kumumbi mayok kina.

<sup>8</sup>Kuate nu Abraham nuŋe ma kusremba ma kise ande tambim tuku sana le nu Kuate tuku saŋgri tomba tiŋga nuŋe ma kusremba kina. Ma nu kambim tuku ta nu gilai. Ake tiŋga kina. <sup>9</sup>Kuate nu ma tambim tuku

sakina ta mbol prona sulumba nu Isak le Yakob ndoŋ rawe taŋgo taŋaŋ minmba baibai ndo patikinaig. Abraham Kuate nu kumuŋ ŋga ma tam tuku wamdus bulok tairŋga minna. <sup>10</sup>Kuate nu samba mbolŋge tumbraŋ mayenu minmba minam tuku pilna ta Abraham nu tumbraŋ ta ndo idusmba wamdus bulok ŋak tairŋga minna.

<sup>11</sup>Kuate nu pasa saŋgrinu sakina le Abraham piyo nuŋe Sara nu ismba Kuate nu kumuŋ ŋgina. Ta tuku nu saibo pile mayemba kiŋo tam tuku ait lina ta nu kiŋo konna le saŋgri tiŋga fuŋgulok minna. Kuate nu siŋka nuŋe pasa kumuwanŋgat ŋga nu taŋana. <sup>12</sup>Wam ta mbolŋge taŋgo ndindo ta saibo pile mayemba kumam tuku ait patukina le nu tuku mbuŋ gudomma mayok kinaig. Samba mbolŋge mbai minig piyalŋge fulbul minig taŋaŋ burnu kumuŋ kuga.

<sup>13</sup>Abraham nane Kuate tuku pasa ismba nu kumuŋ ŋga saka minnaig ma ma alonu kaŋger ndamba kume likinaig. Nane pasa ndo ismba ŋgumnenŋga alonu prowamŋgat ŋga nane kila minmba gare ŋak kume likinaig. Nane kilke te mbolŋge minmba sine rawe taŋgo taŋaŋ mineg ŋginaig. Siŋgine tumbraŋ tuguk kilke te mbolŋge mine ndakate ŋga saka minnaig. <sup>14</sup>Taŋaka sakinaig mbal ta nane tumbraŋ ande minam tuku sota wamdus te-mayoknaig. <sup>15</sup>Nanŋine tumbraŋ o buk kusrenaig ta luka kambim kumuŋ ta nane tumbraŋ ta idus ndanaig. <sup>16</sup>Nane ma kise mayenu ndo sota minnaig. Ma ta samba mbolok. Nane Kuate nu sine tuku Mbara ŋginaig le nu nane tuku nyu yabu ndaka samba mbolŋge tumbraŋ ta kuaneke niŋgina.

<sup>17-18</sup>Kuate nu nuŋe kiŋo Isak tuku teŋenmba Abraham sana: Isak mbolŋge ndo ne tuku mbuŋ mayok kaŋgaig ŋga sana. Nu Abraham tuku ŋgamuŋgal son tagona le nu Kuate tuku saŋgri tomba tiŋga nuŋe kiŋo ndindo balemba luka Kuate atraukam bafuna. <sup>19</sup>Nu teŋenmba idusna: Isak nu kumwa ta Kuate nu te-tiwamŋgat ŋgina. Ta tuku Isak nu kume ndakina ta nu kumanu taŋaŋ mam nuŋe nu maŋ luka tina.

<sup>20</sup>Isak nu Kuate nu kumuŋ ŋga nuŋe kiŋo armba Yakob le Esau wam ŋgumnenŋga mayok kaŋgaig ta tuku nyaro pasa nikina.

<sup>21</sup>Yakob nu minmba ka kumam bafuna sulumba Kuate nu kumuŋ ŋga nu nuŋe wa kame Yosef tuku kiŋo armba wam ŋgumnenŋga mayok kaŋgaig ta tuku nyaro pasa nikina. Nu nuŋe ndumndum biyemba tamba ŋgaro saŋgri pilemba loka Kuate tuku nyu te-duŋga nu nale nyaro pasa nikina.

<sup>22</sup>Yosef nu minmba ka kumam bafuna sulumba Kuate nu kumuŋ ŋga Israel mbal Isip kusrewam tuku saninŋgina: Tane Isip kusremba ye tuku isu kilmba kumba taŋgine ma kitek mbolŋge ŋgukap ŋgina.

<sup>23</sup>ŋgumnenŋga Moses tuku ina mam nu te-pilmba kiŋo mayenu ŋga Kuate tuku saŋgri tomba tiŋga Farao tuku tukul pasa kuru kuru ndaka nu yubenginaig le tambun keŋemba minna.

<sup>24</sup>Moses nu sunḡokina sulumba Kuate nu kumuḡ nga nu Faraο tuku wa nga nyu sunḡo tunaig wam ta ḡgumnena. <sup>25</sup>Kilke te tuku nzali ḡaigonu ait fagnu ndo minam tuku ta ḡgumneniḡina sulumba Kuate tuku mbal sinamanzer sunḡo minnaig ta nane ndoḡ ulendikina. <sup>26</sup>Nu Isip mbal tuku agaḡ ndende magenu kilam tuku ta agaḡ ḡai fudiḡndo taḡaḡ ḡga mbulmba pitaikina. Nu afunḡe tumail pannaig ta nu Kristus tuku idusmba ḡgamunḡal mukuk ḡak minna. <sup>27</sup>Nu Kuate tuku sanḡri tomba tiḡga Faraο tuku gubra kaḡgermba kuru kuru ndaka sanḡri tiḡga Isip kusrena. Sine siḡine ammbi Kuate kaḡgeram kumuḡ kuga ta Moses nu Kuate kaḡgeranu taḡaḡ sanḡri tiḡga minna. <sup>28</sup>Kuate nu kumuḡ ḡga nu Pasowa ait sunḡo tugu pilmba kame eḡel nu Israel mbal tuku kiḡo mulum mapeka bale far ndakuwa ḡga nu nane saniḡina le nane sipsip baleniḡmba ndarenu kilmba naḡine wande malaḡga pisneniḡinaig.

<sup>29</sup>Israel mbal nane Kuate nu kumuḡ ḡga Yu Gurgur ḡgamunḡe bablakina le sim kinaig. Isip mbal nane mata sim kambim tuku tagomba kinaig ta nane ḡakmba ḡgisikinaig.

<sup>30</sup>ḡgumneḡga Israel mbal Kuate nu kumuḡ ḡga Yeriko tumbraḡ mara 7 laipnaig le ndame fonde sambrika guroronaig.

<sup>31</sup>Yerikonu pino Rahab taḡo didik farmba minna tuku ta nu Kuate kumuḡ ḡga Israel taḡo armba tumbraḡ ta katesewam pronaik le nu nale turka yubeḡgina. Ta tuku nuḡe ḡgueu mbal kame pronaig ta nane Yeriko mbal ḡakmba bale farka nu mapemba bale ndanaig.

<sup>32</sup>Ye nane gudommba tuku wam kubewam kumuḡ. Gideon Barak Samson Yefta David Samuel tuan taḡo ḡakmba satinḡam tuku ta ye ait kuga. <sup>33</sup>Mbal ta nane ḡakmba Kuate nu kumuḡ ḡga teḡenmba ke likinaig. Afu nane kilke kisekok mbal ndoḡ kame bumba nane kile-ibeḡkinaig. Afu sanḡri tiḡga maḡau tiḡreknu ndo mayok kambim tuku pirokinaig. Afu Kuate nu nane mbolḡe wam magenu kam tuku saniḡina ta alonu tinaig. Afu nane laion tuku miḡe tukulniḡinaig. <sup>34</sup>Nane afu pa sunḡo sinamḡe patikinaig ta kume ndakinaig. Afu naḡine ḡgueu mbalḡe bagimbi bale faram bafunaig ta nane sanḡri tiḡga kua kinaig. Afu sanḡri kugatok ta Kuate tuku sanḡri mbolḡe sanḡri tiḡginaig. Nane kame buwam tuku sanḡri tinaig le kilke kisekok mbal nane kua kinaig. <sup>35</sup>Pino afu naḡine kutu kummba maḡ aboḡginaig le kilnaig.

Kuate tuku sanḡri tomba tiḡginaig mbal afu piti yimyam kaḡgerkinaig. Nane afunḡe nane Kuate kusrewaig ḡga ḡgarosu rar sunḡo niḡginaig le abo tugu kitek tam tuku saka Kuate kusre ndamba rar sunḡo kamusmba ma ma kume likinaig. <sup>36</sup>Afu kilmba amsesenḡmba muli kareḡnumbi ḡgusniḡe likinaig. Afu muliḡ kilmba wandekḡe patikinaig. <sup>37-38</sup>Nane afu ndamembi bale farniḡginaig. Afu so sunḡombi ḡgamunḡe kat pugurkinaig. Afu kame bagimbi bale farniḡginaig. Kuate tuku mbal ta sipsip ko meme tuku ḡgaro fulka tiḡe lika minnaig. Nane piti yimyam

kilmba kua ka ma baknu mbolŋge tabe poŋ pilemba ndame burok ko kilke burok sinamŋge nane kuirka sinamanzer suŋgo tumba mine likinaig. Kuate tuku mbal ta nane kilke mbolok mbal ndoŋ ulendikam mbulnaig.

<sup>39</sup>Nane ŋakmba Kuate nu kumuŋ ŋga dirnaŋga saka minnaig ta Kuate nu nane tuku gare ŋak nyu sugo niŋgina. Kuate nu wam mayenu kam tuku sakina ta nane alonu kaŋger ndanaig. <sup>40</sup>Ta ndaŋam? Kuate nu sine tuku ait mbolŋge wam mayenu te-mayokam tuku idusmba nane sine tairŋguwaig le sine kumu kumu muskil kile-tidiŋge siŋgamŋgat.

**12** <sup>1</sup>Sine nane Kuate tuku saŋgri tomba tiŋginaig mbal ta tuku maŋau mayenu ta idusniŋmba siŋgine nzali yimyam ŋgumneniŋmba ame unenŋe sine didikate ta kusreka sine taŋgo kame usre mbolŋge dirnaŋga pinderka piya mayenu tam idusde taŋaŋ <sup>2</sup>siŋgine wamdus Yesus ndo idus timba minbe. Sine ŋgamuŋgal son teg ta Yesus mbolŋge teg. Teg le ka saŋgri tiŋgate ta nuŋge saŋgri pilete. Yesus nu ŋgumnenŋa gare suŋgo tam tuku idusmba ail kazrai tuku kume kiko suŋgo ta taŋaig ŋga kuramba kumna. Kummba tiŋgina sulumba kile nu Kuate tuku ndinam kumamŋge nyu suŋgo ŋak minit.

<sup>3</sup>Mbal ŋaigonu nane Yesus kasurmba nu tuku nyu ŋayo silinaig ta nuŋe saŋgri kusremba baklel ndana. Tane Yesus tuku maŋau ta idusmba taŋgine saŋgri tiŋgade wam ta kusreka baklel ndawap. <sup>4</sup>Tane maŋau tiŋreknu dubiwam tuku saŋgri tiŋgade le aŋuŋge wam ta tuku tane kilmba bale far ndade. <sup>5</sup>Kuate nu pasa ande tane piti sinamŋge saŋgri tiŋgam tuku sakina ta tane gilaiŋgade ŋga iduset. Kuate nu tane nuŋe kiŋo kame tuku teŋenmba sakina.

Yiŋe kiŋo, ye ne te-tinam tuku pa tinet ta talaka nda isanu sukmba mine ndaka.

Ye ne sane liket ta saŋgri kusremba baklel ndawa.

<sup>6</sup>Ye Suŋgo. Ye teŋenmba ket. Ye ande tuku kume purmba minet ta ye nu te-tiwam tuku pa tuwet.

Ande nu yiŋe kiŋo ŋga tet ta nu mayenu mayok kambim tuku ye nu ŋguset.

*Sindaun 3.11-12*

Kuate nu taŋamba sakina.

<sup>7</sup>Tane Kuate tuku pa kamusde ta nu sine kile-tidiŋgam tuku taŋate ŋga saŋgri tiŋgap. Tane Kuate tuku kiŋo kame minig sulumba nu tuku pa kamusde. Kiŋo ima nu mam nuŋe tuku pa kamus ndate? <sup>8</sup>Kuate nu nuŋe kiŋo kame kile-tidiŋgam tuku pa niŋgit. Tane nu tuku pa kamus ndawap ta tane nu tuku kiŋo kame nda minig. Tane ma ŋgamukok kiŋo kame taŋaŋ minig. <sup>9</sup>Siŋgine kilke mbolok mam kame nane sine kile-tidiŋgam tuku pa siŋginaig ta nane kumumbi kade ŋga nane kumnemŋge mingej. Siŋgine samba mbolok Mam nu siŋgine kanu kulatkate sine pa siŋgit ta sine siŋka wamdus bulok ŋak nu kumnemŋge minbe. Ta

mbolŋe sine mine mayenu tamŋgig. <sup>10</sup>Sine kiŋo kame mingerŋ le singine mam kame sine kile-tidŋgam tuku naŋgine wamdus fagnu tambi pa singinaig. Singine Mam Kuate sine nu ndoŋ purfeŋnu tuma minbe ŋga wam mayenu ta tam tuku nu pa singit. <sup>11</sup>Singine Mam sine pa sunŋo singit le ta sinamŋge sine gare kugatok ŋgamuŋgal rar ŋak mineg ta ima nu pa ta mbolŋe saŋgri tiŋgate ta ŋgumneŋga nu alonu kaŋgerka nu wamdus bulok ŋak minamŋgat. <sup>12</sup>Ta tuku tane pa ta kamusmba baklel ndaka saŋgri tiŋgap. <sup>13</sup>Tane wamdus saŋgrinu pilmba maŋau tiŋreknu ndo ke likap. Taŋawap le tane tuku afu saŋgri kugatok ta nane saŋgri tiŋgamŋgaig.

<sup>14</sup>Taŋgo ŋakmba ndoŋ wamdus bafumbi minam tuku wamdus saŋgrimba palpe. Tane tiŋreknu mayok kambim tuku wamdus ndindo pilmba dirnaŋgap. Ande nu tiŋreknu mayok ndakuwa ta nu Sunŋo kaŋgere nda. <sup>15</sup>Tane kurau mayewap. Kuate nu ake sinaŋ taŋgo make patikate wam ta ande nu liwikat. Ko tane tuku ande wamdus ŋgueu ŋak mayok ka tane ŋakmba ŋaigo siglikuwa le tane kutur tubekaig. <sup>16</sup>Tane kurau mayewap. Ande nu fare fare pino kame ndoŋ unekumba minikat. Ko ande nu Esau taŋaŋ Kuate tuku wam ake agaŋ taŋaŋ ŋga bukŋgikat. Esau nu kiŋo mulum tukunu mam nuŋeŋge Kuate tuku nyaro pasa nu tambim tuku minna. Ait ande mbolŋe nu gubana le nyamagaŋ piyanu mambo nuŋe nyaro pasa ta tuna. <sup>17</sup>Iŋgumneŋga nu nyaro pasa bukŋgina ta luka tam tuku nu malmbi sunŋo tumba mam nuŋe kusnana kande nu tambim kumuŋ kuga. Nu maŋ ŋgamuŋgal biye mbilam tuku ndin kiringina. Tane ŋakmba Esau tuku wam ta kila.

### Sine samba mbolok agaŋ ndende tugum proweg

<sup>18</sup>Israel mbal o buk Sinai tabe tugum promba naŋgine ammbi agaŋ ndende kaŋgerkinaig. Tabe ta mbolŋe pa bulu sunŋo mayok ka ma furir sunŋo ndeka bubre saŋgri ŋayo tiŋga minna. <sup>19</sup>Ta sinamŋge tabil siŋgon sunŋo mayok ka Kuate tuku miŋge pasa ande prona le taŋgo pino nane pasa ta ismba kuru kuru sunŋo tumba Moses sarsarmba sanaig: Sine pasa ta lato isam mbulig ŋginaig. <sup>20</sup>Kuate nu riroŋ pasa ande teŋemba sakina: Agaŋmor ko taŋgo tabe te tugum prowa kande mape ndamba ndamembi balewap ŋgina.

<sup>21</sup>Wam mayok kinaig ta nane kaŋgerka kuru kuru sunŋo tinaig le Moses nu mata sakina: Ye kuru kuru sunŋo tumba isu piririwet ŋga sakina.

<sup>22</sup>Tane pasa kitek sinamŋge minig mbal tabe ta tugum pro ndade. Kuga. Tane Kuate abo tugu minmba minit nu tuku tumbraŋ Sion tabe tugum prode. Tumbraŋ sunŋo ta Yerusalem kitek samba mbolŋe minit. Tumbraŋ ta sinamŋge eŋel gudommmba maŋgur sunŋo pilmba gare-gareka minig. <sup>23</sup>Mbal afu Kuate tuku kiŋo kame amboŋga mayok

kinaig nu samba mbolŋge nane tuku nyu kuyarkina ta nane mata taŋge maŋgurkade. Kuate nu taŋgo ŋakmba pilesiŋgit ta nu mata taŋge minit. Nane Kuate tuku mbal tiŋreknu buk kumumbi mayok kine likinaig ta nane tuku kanu mata minig. <sup>24</sup>Yesus nu mata tumbraŋ ta mbolŋge minit. Kuate nu pasa saŋgrinu kitek katna ta nuŋge alonu kile-mayokkate. Nuŋe ndare kutuna taŋge Abel tuku ndare witina ta lite.

<sup>25</sup>Ta tuku tane kurau mayewap. Ande nu pasa tumsiŋgit ta tane pitaibekaig. Moses nu kilke te mbolŋge Kuate tuku rironŋ pasa saniŋgina ta ande nu ismba nda isanu sukmba pitaiwa ta nu pa tamŋgat. Kile Yesus nu samba mbolŋge rironŋ pasa sasiŋgit ta ande nu pasa ta nda isanu sukmba pitaiwa ta nu pa suŋgo te nda ŋga iduste e? <sup>26</sup>O buk Kuate nu Sinai tabe mbolŋge nuŋe pasa Moses ndoŋ katna le kilke te buru-burukina. Kile nu pasa saŋgrinu sakate: Ye kilke maŋ nduiye buru-buruwamŋgit. Kilke ndo kuga. Samba turmba buru-buruwamŋgit ŋgate. <sup>27</sup>Kuate nu ye maŋ nduiye buru-buruwamŋgit ŋgate ta tugunu teŋenmba. Nu agaŋ ndende kile-mayokkina te buru-buruniŋguwa le ŋakmba ŋgisikaŋgaig. Agaŋ ndende buru buru ndakuwaig ta ndo kilmba patikuwa le minmba minamŋgaig.

<sup>28</sup>Sine Kuate tuku gageu mayok kageŋ mbal siŋgine tumbraŋ tugusek samba mbolŋge buru-buruke nda. Ta tuku sine Kuate tuku gare pasa tube sulumba nu kuru-kuruka nu kumnemŋge minmba nu tuku nyu te-duŋgube. Mbariŋ maŋau ta nu nzalite. <sup>29</sup>Siŋgine Mbara pa suŋgo tigli ŋakmba pasokate taŋaŋ minit.

### Kuate gare tambim tuku maŋau

**13** <sup>1</sup>Taŋgine tira mbal ŋgamuŋgal muŋgu niŋge-niŋgekam tuku maŋau kusre ndawap. <sup>2</sup>Mbal afu ma kisekok tane tugum prowaig kande tane nane kulat magekap. Nane afu buk taŋanaig ta nane eŋel kame kulatkinaig ta nane katese ndanaig. <sup>3</sup>Tane tuku afu muli wandekŋge minig ta tane nane ninanka nane ndoŋ piti tuma kurawanu taŋaŋ minap. Ko afuŋge tane tuku afu rar niŋgig ta nane mata ninanka nane ndoŋ rar tuma kamusanu taŋaŋ minap. Tane mata piti ndui ta kile-siglikubekaig.

<sup>4</sup>Pino taŋgo ndoŋ muŋgu kilik maŋau mayenu ta ake agaŋ ŋga idus ndamba kurau mayewap. Ande nu maŋau ta purte ta nu mbar suŋgote. Pino taŋgo ŋak ko mbanzonu kuayarde mbal Kuate nu nane ŋakmba pileniŋgamŋgat.

<sup>5</sup>Tane ndametiŋ kilam tuku piriri ndawap. Tane agaŋ ndende ŋak minig ta te kumuŋ ŋga idusap. Kuate nu teŋenmba sakina: Ait ŋakmba mbolŋge ye ne ndoŋ minmba kusrene nda ŋgina. <sup>6</sup>Ta tuku sine Kuate tuku pasa ta idusmba sine miŋge bulokmbi teŋenmba sakube.

O Suŋgo, ne mara mara kumumbi ye turyate.

Ta tuku ye tango tuku ngueu manau kuru kuru ndaket. *Mune 118.6*  
Sine tanamba sakube.

<sup>7</sup>Tangine gabat kame Kuate tuku pasa mayenu tumsinginaig ta nane Kuate biye demba minnaig ma ma kume likinaig. Nane Kuate tuku sangri tomba tinginaig wam ta idusmba kubewap.

<sup>8</sup>Yesus Kristus mbilka kise mayok kine nda. Nu buk minna kile minit ngumneŋga ndui ta ndo minmba minamngat.

<sup>9</sup>Tane rironkap. Nane afunŋe wam pagu pasa kise tumtinguwaig le tane nane dubikubekaig. Nane nyamagan tuku tukul ndo dubikam tuku tumtingig. Manau ta dubide mbal manau tanŋe nane tur ndakate. Kuate nu sine ake sinan make patikate wam tanŋe singine ngamungal sangri pilete.  
<sup>10</sup>Sine atrau mbain kitek ŋak. Nane kilke te mbolok tawi wande tuku manau dubide mbal singine atrau mbain kitek ta mbolŋe nyamagan tumba nyam tuku nyu kugatok. <sup>11</sup>Israel mbal tuku pris sunŋo nu aganmor tuku ndare kilmba tango pino tuku une saukam tuku nu tukul wande sunŋo sinam kina. Nane aganmor ta ndemnu ŋakmba kilmba tumbran sunŋo kusremba kilimŋe pasokinaig. <sup>12</sup>Wam ndui ta ndo Yesus mbol prona. Nane nu tumba ka Yerusalem tumbran sunŋo kilimŋe rar sunŋo tumba ail kazrai mbolŋe balenaig le kumna. Kummba nuŋe ndarembi sine tuku une saukina le purfeŋnu mayok kageŋ. <sup>13</sup>Ta tuku sine singine manau yimyam ambokok ŋakmba kusreka kilim ka Yesus ndoŋ ulendikube. Singine mbal afu talasingig ta sine piti ta nu kurana tanamba ndo kurabe.

<sup>14</sup>Sine kilke te mbolŋe tumbran ande minmba minam tuku mine ndakate. Tumbran sunŋo ande Kuate nu te-mayokamngat ta sine mindemba mineg. <sup>15</sup>Ta tuku sine mara mara Yesus tuku nyu tumba Kuate tuku nyu te-duŋgube. Manau tambi sine ŋakmba atrau agan balemba Kuate atraukanu tananŋ keg.

<sup>16</sup>Nane afu mbolŋe wam magenu kam tuku gilai ndanŋap. Afu nane agan ndende denkade ta tangine agan ndende tambi turkap. Manau kame ta Kuate am mbolŋe atrau agan mayenumbi atraukanu tananŋ. Nu kanŋermba gare sunŋote.

<sup>17</sup>Tangine gabat kame kumnemŋe minmba nane tuku wam pagu pasa dubi mayewap. Nane ngumneŋga ka Kuate tugumŋe piro ta tuku sakamngaiŋ nga idusmba nane kurauka tane kulat magekade. Tane nane tuku miŋge dubikade ta nane gare ŋak tane kulatkade. Nane piti ŋak pirokade ta piti ta luka tane mbol kanŋat.

<sup>18</sup>Sine Kuate am mbolŋe mbar tuku wamdus piti kugatok nga iduseg. Sine manau tiŋreknu ndo kam tuku matuk tukulkeg. Ta tuku tane sine tuku nga Kuate yabanŋap. <sup>19</sup>Ye pitik tane tugum prowam tuku tane sunŋomba Kuate yabanŋap.

<sup>20</sup>Yesus nu kumna le Kuate tuku pasa kitek minmba minam tuku katna ta nu tuku ndarembi alonu te-mayokna. Tanana le Kuate nu Yesus te-tina

le nu nyu sunjo tumba Kuate tuku sipsip kulatkanu tanjo sunjo minit.  
<sup>21</sup> Kuate nu ngamunggal mukuk miro. Tane nu tuku nzali ndo dubiwam tuku nunje wam magenu kumumba tingguwa. Tane Yesus Kristus tuku sanjri tomba tingap le sanjri tanje Kuate nu tane tuku ngamunggal sinamnje nunje nzali njakmba kile-mayokkuwa. Yesus Kristus tuku nyu sunjo ta minmba minwa. Son.

<sup>22</sup> Yine tira kame, ye pasa kuennu tane tuku kuyar ndawet. Ye tane sanjri piletingam tuku pasa fagnu kuyaret te tane kilba pilmba ise mayewap.

<sup>23</sup> Timoteus nu mulijinaig ta nu buk mayok kina ta ye tane kila satijet. Nu pitik ndo ye tugum te prowa ta ye nu ndonj tane tugum prowamngik.

<sup>24</sup> Tanjine gabat kame Kuate tuku mbal njakmba sinjine gare pasa te sanjgap. Tanjine tira afu Italinge minig ta nane mata tane gare pasa tingig.

<sup>25</sup> Kuate nu ake sinaj tane make patikuwa.

Son.